

Renouvèlman CityFHEPS Kesyon Moun Poze Souvan (Haitian Creole)

Èske mwen dwe renouvle CityFHEPS mwen?

Wi. Ou dwe renouvle sibvansyon CityFHEPS ou a. Nou pral voye yon aplikasyon renouvèlman ba ou senk (5) mwa anvan fen ane sibvansyon an. Lè ou resevwa aplikasyon renouvèlman ou a, w ap gen pou voye li tounen ba nou epi:

- Konfime ou toujou ap viv nan apatman CityFHEPS ou a
- Konfime kantite moun ki ap viv lakay ou
- Soumèt enfòmasyon ajou konsènan revni ou

Si ou pa retounen aplikasyon renouvèlman an ak nenpòt dokiman sipò yo avan premye dat limit la, n ap voye yon avètisman ba ou.

Si ou pa voye sa nou bezwen yo nan dat limit ki sou avètisman an, nou pa pral kapab travay sou aplikasyon renouvèlman ou nan 30 jou anvan fen ane sibvansyon an. Ou menm ak pwopriyetè kay ou a ap resevwa yon avi revokasyon final la.

E si mwen retounen Renouvèlman mwen an anreta?

Sa ka gen yon enpak negatif si ou voye renouvèlman ou an anreta. Si ou voye renouvèlman an anreta (apre avi revokasyon final la) ou ka oblije ale nan tribinal pou lojman epi ka gen risk pou w pèdi lojman ou.

Men, si aplikasyon renouvèlman ki anreta ou a rive nan men nou nan yon (1) ane apre fen ane sibvansyon an, epi pi lontan si gen yon bon rezon, gen posiblite pou renouvle oswa restore sibvansyon an.

Kijan pou mwen soumèt renouvèlman CityFHEPS mwen an?

Pou soumèt aplikasyon pou renouvèlman CityFHEPS ou a ou ka:

- eskane epi voye dokiman yo pa imèl bay RAPRENEWALS@hra.nyc.gov, **OSWA**
- poste yo nan adrès ki sou fòm lan, **OSWA**
- pote dokiman yo nan adrès sa a: Rental Assistance Program Unit
109 East 16th Street, 10th Floor
New York, NY 10003

E si gen yon chanjman nan kantite moun ki nan fanmi mwen?

Si yon moun kite kay ou, maksimòm montan lwaye kay ou kalifye pou li a ka diminye. Si sa rive, ou ka gen pou transfere nan yon nouvo apatman ki pi bon mache.

Si vin gen plis moun lakay ou, epi gen twòp moun nan kay la, ou ka ale nan pwogram Homebase zòn ou an pou aplike pou yon transfè ak yon bon rezon pou demenaje nan yon pi gwo apatman.

Konbyen revni moun lakay mwen ka genyen?

Fwaye ou ka genyen jiska 80% revni brit nan Revni Mwayen Zòn nan (Area Median Income, AMI) epi li toujou kalifye pou yon renouvèlman CityFHEPS.

Èske mwen bezwen gen yon nouvo kontra-lwaye pou renouvle CityFHEPS?

Ou pa oblije fè yon renouvèlman kontra-lwaye avèk pwopriyetè kay la pou kontinye nan pwogram CityFHEPS la. Toutotan ou toujou kalifye pou CityFHEPS epi ou renouvle sibvansyon an, pwogram lan ap kontinye.

E si pri lwaye a monte?

Si pri lwaye ou monte, ka gen posibilite pou nou ogmante sibvansyon an. Ou pral bezwen montre nou yon nouvo kontra-lwaye siyen ak pri lwaye ki pi wo a.

Pou konbyen tan mwen ka jwenn CityFHEPS?

Ou ka resevwa CityFHEPS pou yon total senk (5) ane. Sa gen ladan nenpòt ki lè ou ka te resevwa peman nan ansyen pwogram asistans pou lokasyon yo (CITYFEPS, LINC, SEPS oswa Pathway Home).

Limit senk (5) ane sa a pa aplike pou tout kay. Si lakay ou gen yon moun ki gen 60 lane oswa plis, oswa yon adilt ki resevwa avantaj federal pou andikap, pa gen okenn limit sou tan. Epiou, nan sèten sikonstans, nou ka pwolonje sibvansyon plis pase limit senk (5) ane a si ou gen yon bon rezon.

Lè w ap apwoche limit senk (5) ane ou a, nou pral poste pou ou yon aplikasyon pou renouvèlman ak yon bon rezon.

Renouvèlman yo disponib si kay yo kontinye ranpli kondisyon pou kalifikasyon yo ak si kontinye gen finansman disponib.